

**Landesbibliothek Oldenburg**

**Digitalisierung von Drucken**

**Dissertatio Philosophico-Philologica In Nouissima Dauidis  
Verba, 2. Sam. XXIII, 1-8**

**Stentzler, Lorenz Stentzler, Lorenz**

**Gryphiswaldiæ, [MDCCXXXIIII?]**

**VD18 13287737**

**§. VI. [Obiectum reale.]**

**urn:nbn:de:gbv:45:1-14998**

suorum habet, ut in timore Domini instituantur Jes. XI. 2. 3. CLERICUS (\*) putat respici his verbis vaticinium aliquod, in honorem Dauidis editum, quo verba hæc continerentur; Sed præter scripturam sapit. PISCATOR, cuius versio illis, qui castra Caluini sequuntur, probatur, verba ita transfert in sermonem patrium: Wer über die Menschen herrschet, (der soll) gerecht (seyn,) er soll herrschen (in) der Furcht Gottes. (\*\*) Quo vero fundamento auctor propositionem faciat vniuersalem, nobis non constat. Versio autem hæc cum præterea hoc & sequenti versiculo adeo sit adfecta, ut verba non altissimi, sed hominis obscurissimi referre videatur, non est ut illi immoremur. HILLERUS (†) cum eandem cum Iudæorum Magistris inflet tibiam, quæ his, sibi etiam putet dicta. Chaldaeus versum tertium liberiori discursu rectius sic exponit. אמר רור אלה יושראל עלי מלך תקיפה יושראל דשליט בבני אנשה קושטא ראן אמר למןאה לי מלכא דרווא משיחא: *Dixit Dauides: Deus Israëlis super me locutus est, fortis Israël, qui dominatur hominibus, iudex verax dixit, se constituturum mihi esse regem, qui futurus & dominatus erit in timore Domini.* An vero R. D. KIMCHI, quando hæc Paraphrastæ verba adducit, ad Messiam respiciat, an filium Dauidis intelligat, aliis diiudicandum relinquo. Cum Chaldaeo Syrus (††) consentit in versione, quæ a simplicitate nomen traxit, & antiquitate quam maxime se commendat. Verba in latinum sermonem translata ita fluunt: *Dixit DEVS Israëlis, & mihi dixit Potentissimus Israëlis, qui praest hominibus iustis, qui imperium exercet in timentes DEVUM.*

## §. VI.

Res de qua Dauidi sermo, est dulcissimi generis  
B 3 humani

(\*) Comment. in Lib. Hist. p 350. (\*\*) Biblia Pentapla V. T. P. I.

(†) Syntagm. Herm. p. 299. 300. (††) Biblia Polygl. Engl. T. II.



humani Seruatoris, ab illo oriundi, in carnem aduentus. Verbis nisi vim inferas, uel obtorto quasi collo in alienam rapias sententiam, aliud non spirant. Spir. S., cuius afflato Dauides hymnos suos confecerat, moribundo in memoriam reuocabat illustrem quandam promissionem antea factam, quæ tempori §. IIII. & occasione §. III. exppositæ inseruiret. Illustriorem autem & rebus magis accommodatam in sacro codice non inuenimus, quam quæ Dauidi 2. Sam. VII. 12. seqq. per Nathanem facta legitur. Promittitur Dauidi his verbis, quod Messias genus ab illo esset ducturus. Quodsi ipsum, cui promissio est data, audire iuuat, se verba non aliter intellexisse grauissimus nobis erit testis 2. Sam. VII. 19. 1. Par. XVII. 17. Fœdus hoc dicitur עולם, nullis circumscribendum limitibus, sed in perpetuum duraturum. Naturam autem huius fœderis, quod DEVS cum Dauide contraxit, vt curatius inspiceremus, additur, quod fructus huius promissionis non exhauriretur a posteris Dauidis tantum, ut ad alios non redundaret, quam latissime potius manaret, & se diffunderet per omnes omnis ætatis, conditionis, dignitatis, ordinis homines. Fœdus constitutum est בכל in gratiam omnium, Judæorum Magistri ne victi veritati palmas dare cogantur, exponunt de tempore, vt R. D. KIMCHI & R. L. BEN GERSON. LXX, quoque addiderunt καιρῷ. Chaldaeus לעלמא ראי in seculum futurum. Hic vero Judæos suo abundantes ingenio, proprio se videas iugulare gladio, cum enim verba exponunt de posteris Dauidis, qui natales ab eo arcesserent, & dignitate regia eminerent, fœdus hoc respectu neque æternum, neque in gratiam omnium constitutum esse, dici potest. Posteri Dauidis iamdiu regno exuti, a regia dignitate ad humilem sortem detrusi, & cum ciuibus exules, patria carere coguntur. Auctor quoque verborum nostrorum, Spiritu DEI edocitus, alia non sibi promisit de posteris,  
aperte



aperte enim profitetur: **כִּי לَا יָצַמֵּחַ** futurum erit, vt domus mea redigatur ad paucos, dignitate regia priuetur, quinito res illi redeat ferme ad incitas. Illi, qui rebus nouis studebant, inuidia flagrantes, falsam animo conceperant spem, fore, vt familia Dauidis per Salomonem propaganda, breui exscinderetur, & ad internecionem vsque deleretur. Falso hinc fruebantur gaudio. Propheta vero illis auctor est sat grauis, Salomonem cum posteris non fore graminis instar, quod cito efflorescens exitio suo imminet, dicit enim: **כִּי לَا כִּנְנָה עַל אֶלְעָלָה**: Fata autem durissima, quæ maneant omnes refractarios atque seditiosos, exponit auctor v. 6. 7. Amouebuntur hi vno cum Duce, sub quo militent, & cuius fidem sequuntur, spinarum instar, quæ nullius sunt vsus, qui nisi ad saniorem mentem redeant, ferro ignique exscindentur, illis adiudicandi, qui exquisitissimis doloribus cruciati, grauissimas impietatis dant poenas.

## §. VII.

Obiectum quod animo Dauidis, ad exitum proprantis, obuersabatur, cum adeo excellens, illustre esset atque magnificum, non potuit non vehementiores animi motus excitare in illo, cum quo ad ultima erat perventum. Odæ atque hymni alias non sine Spiritus Sancti impulsu, ab hoc auctore conscripti, tenerrimos vbique spirant affectus, qui si fuerint cogniti, lectorem veritatis cupidum, in intimos verborum deducunt recessus, cum e contrario qui pretium illis eruendis non statuant, operam oleumque perdunt in psalmis intelligendis, hinc frustra quoque laborant in sensu eorum aliis declarando. Huius vaticinii, quo Noster in viuis esse desiit, aliam ne velim credas esse indolem & rationem. Positus quidem verborum & accentuum, a naturali ordine recedens, in hæc penetralia nos manu non ducit, licet alias,

